

Årsmelding for 2023

Kvam Næringsråd skal bidra til ei nærings- og samfunnsutvikling i Kvam som gjev gode tilhøve for å drive næring, og vere ein relevant samfunnsaktør i lokalsamfunnet.

Styremøte og medlemsutvikling i 2023.

Det er halde 5 styremøte og handsama 57 saker i 2023.

Medlemstalet pr. 31.12.2023 er 95, ein nedgang på 5 frå 2022.

Tillitsvalde i Kvam Næringsråd etter årsmøtet 15. mars 2023:

Styreleiar Tone Søgaaard

Nestleiar Lars Kristian Bu

Styremedlemer: Solveig Botnen, Ingunn Bjørke, Bjørn B. Pedersen

Varamedlemer: 1.vara Elisabet Janssen 2. vara Jahn Brattli Tolo

Revisor: Jon Magnar Neteland

Drift og administrasjon

Hans Jørgen Andersen har vore engasjert i 40% stilling som dagleg leiar.

Det er utarbeida eit strategidokument for Kvam Næringsråd i 2022 som og gjeld for 2023

Strategi for Kvam Næringsråd 2023-2025

Nettverk for næringslivet



Kvam Næringsråd skal bidra til ei nærings- og samfunnsutvikling i Kvam som gjev gode tilhøve for å drive næring, og vere ein relevant samfunnsaktør.

FOKUSOMRÅDE			
Ein synleg og nyttig næringsorganisasjon for alle verksemdar i Kvam	Påverke rammevilkår for næringsliv i Kvam	Leggje til rette for rekruttering av kompetent arbeidskraft	Bidra i samfunns- og næringsutvikling
VERKEMIDDEL OG TILTAK			
Ein møteplass med attraktive arrangement og gode nettverk <ul style="list-style-type: none"> ☒ medlemsmøte ☒ frukostmøte ☒ Kvam U40 ☒ informasjonsdeling ☒ vurdere konferanse 	Vere ein representant for næringslivet og påverke prosessar som gjev rammevilkår for næringsutvikling i Kvam <ul style="list-style-type: none"> ☒ høyringsinstans ☒ talerøyr for næringslivet i politiske saker Samferdsel <ul style="list-style-type: none"> ☒ Hordalandsdiagonalen E134-Bergen ☒ tunnel under Kvamskogen Kraft <ul style="list-style-type: none"> ☒ ta tak i utfordringar knytt til kraft Samarbeid med andre næringsråd <ul style="list-style-type: none"> ☒ Næringsalliansen Vestland I samarbeid med Kvam herad <ul style="list-style-type: none"> ☒ bidra i arbeidet med rullering av kommunedelplan for næring ☒ arbeide for å oppretthalde og skaffe nye statlege arbeidsplassar 	Relevant utdanningstilbod i regionen <ul style="list-style-type: none"> Samarbeid med utdanningsaktørane ☒ Handalag opplæringskontor ☒ Kvam vgs ☒ Vestland fylkeskommune ☒ Hardangerrådet Samarbeid med trainee-ordning <ul style="list-style-type: none"> ☒ få traineear til Kvam gjennom Framtidsfylket og Trainee Vest Samarbeid med Kvam herad <ul style="list-style-type: none"> ☒ samarbeid næringslivet og Kvam herad om rekrutteringsarbeid Samarbeid med NAV <ul style="list-style-type: none"> ☒ engasjere seg i samarbeidet mellom NAV og verksemdene 	Kople ressursmiljø saman med medlemsverksemdar <ul style="list-style-type: none"> ☒ utvikle nettverk med eksterne aktørar Synleggjere Kvam som ein interessant bu- og arbeidsregion <ul style="list-style-type: none"> ☒ få inn saker om Kvam i regionale og nasjonale media Få fram kunnskap om næringslivets betydning for lokalsamfunna i Kvam <ul style="list-style-type: none"> ☒ saker om næringslivet i media ☒ kople på akademien Marknadsføre lokale verksemdar <ul style="list-style-type: none"> ☒ marknadsføre medlemsverksemdar i nettverket
Kvam Næringsråd er ein medlemsstyrt interesseorganisasjon med årsmøtet som øvste organ. Årsmøtet vel styre.			

23.11.22

Økonomi.

Rekneskapen for 2023 syner eit underskot på kr 23.010.

Kvam Næringsråd hadde kr 207.573 på bankkonto pr 31. desember 2023.

Samla godtgjersle inkl. sosiale utgifter til dagleg leiar i 2023 er kr 330.000.

Samla godtgjersle til styreleing i 2023 er kr 30.000,-

KNR har motteke kr 40.000 i driftstilskot og 60.000 i prosjekttilskot til Unge hardingar frå Kvam herad i 2023.

Medlemsmøte

Me har kome i gang igjen med frukostmøte og medlemsmøte etter at pandemien har gått over i historia.

47 verksemder har vore til stades med ein eller fleire deltakarar på anten frukostmøte eller medlemsmøte. Til saman har det vore 142 deltakarar på desse møta med totalt 25 innleiarar.

Frukostmøte og medlemsmøte:

24. januar	Reiselivsmøte	Visit Hardangerfjord og Folgefonni breførlag
2. februar	Energiøkonomisering	Kvam herad og Enova
15. mars	KVU E134 arm til Bergen	Informasjon frå Statens vegvesen
5. mai	Frukostmøte med Hardangerfjord Hotel, Hardangerbadet og Helse i Hardanger.	
1. juni	Hardanger Hydrogen Hub, Tizir og Boliden, samarbeid med Hardanger Industri (HI)	
17. august	Oppstart planarbeid tunell under Kvamskogen, samarbeid med Vestland fylkesk.	
3. oktober	Frukostmøte med Ryger Advokatfirma	
1. november	KVU E134 arm til Bergen	presentasjon av ferdig KVU v/Statens vegvesen, med HI.
24.november	Kommunale innkjøp	samarbeid med næringslaga i Norheimsund og Øystese.

Arrangement der andre var hovudarrangør:

12. januar	Husbanken og utbyggjarar	Etter initiativ frå, og i samarbeid med Kvam herad
12.april	Katarina Lalander Hamnes	samarbeid med næringslaga i Norheimsund og Øystese
20.april	Kari Heggholmen	Hardanger Salongkultur arrangerte, Kvam Næringsråd og andre var samarbeidspartnarar.

Prosjektarbeid.

I 2022 fekk Kvam Næringsråd tilsegn om stønad frå Kvam herad v/Kraftfondet til oppstart av Kvam U40 – pilotprosjekt. I løpet av 2023 vart det arrangert 4 samlingar, det er etablert ei prosjektgruppe og det er søkt om midlar frå Kraftfondet for drift i 2024. Målet er mellom anna å skape eit nettverk og ein møteplass for unge samfunnsinteresserte under 40 år. Til saman var det 71 deltakarar på arrangementa i 2023.

Prosjektgruppa har bestått av:

Arild Kviþingen, Iverk

Rune Gangstø, Fusit Data & Teknologi

Runa Kvamme Ekrem, Kvam herad

Elisabet Janssen, Sjøtunet

Tove Botnen, Opinion

Undervegs har prosjektet skifta namn frå «Kvam U40» til «Unge hardingar».

KVAM U40 – VIL DU VERE MED?

Kvam Næringsråd inviterer til oppstartsmøte

TORS DAG 11. MAI KL. 19:00
Skummesalen – Mathuset i Øystese

Kvam Næringsråd ynskjer å skipa til eit forum som kan styrkje kontakten mellom dei under 40 som vil vere med å skape framtida i Kvam. Me ynskjer å lage til ein møteplass etter modell frå andre næringsorganisasjonar, og inviterer til eit oppstartsmøte.

Vona er å skape ein inspirerende og nyttig møteplass. Me er på leit etter deg som vil vere med. Det er og ledige plassar i prosjektgruppa som skal skipast.

Ta kontakt om du har spørsmål!

Kvam Næringsråd v/Hans Jørgen Andersen 411 61 187

Påmelding til post@kvamnet.no innan 10. mai

Vel møtt!

Kvam herad v/kraftfondet stør arbeidet med Kvam U40

KVAM U40 – VIL DU VERE MED?

Kvam Næringsråd inviterer til skipingsmøte

TORS DAG 8. JUNI KL. 20:00
Skummesalen – Mathuset i Øystese

Kvam Næringsråd ynskjer å skipa til eit forum som kan styrkje kontakten mellom dei under 40 som vil vere med å skape framtida i Kvam.

- Bli kjent med Hardanger Bryggeri – open pub
- Om planane for nytt idrettsanlegg i Busdalen
- Skipping av prosjektgruppe for Kvam U40

Vona er å skape ein inspirerende og nyttig møteplass. Me er på leit etter deg som vil vere med.

Ta kontakt om du har spørsmål!

Kvam Næringsråd v/Hans Jørgen Andersen 411 61 187

Påmelding til post@kvamn.no innan 7. juni

Vel møtt!

Kvam herad v/kraftfondet stør arbeidet med Kvam U40



UNGE HARDINGAR
YNSKJER VELKOMEN TIL

Lokal mat og drikke

Arrangement for unge eller delvis unge i Hardanger

14. september kl 19.30

Hardangerfjord Hotel
Øystese

14

THURSDAY, SEPTEMBER 14, 2023 AT 7:30 PM

Ung og smakfull: temakveld om lokal mat og drikka

Hardangerfjord Hotel



UNGE HARDINGAR
YNSKJER VELKOMEN TIL

Frå søppel til skatt – GJENBRUK i praksis

Arrangement for unge eller delvis unge i Hardanger

23. november kl.19:30

Hardanger fartøyvernssenter
Norheimsund

TOMORROW AT 7:30 PM

Temakveld: Frå søppel til skatt - GJENBRUK i praksis

Hardanger fartøyvernssenter
4 Going · 33 Interested

Samarbeid med andre

Døme på samarbeid med andre organisasjonar og strukturar kring oss i løpet av året:

Kvam herad (politisk/administrativt) har invitert KNR til faste møte i 2022 saman med Handalag Opplæringskontor og Hardanger og Voss Næringshage. Det har vore eit ynskje frå alle partar om å halde fram med desse møta, men dei vart diverre ikkje gjennomførde i 2023. Dagleg leiar vart intervjuet og var med på workshop i samband med utarbeiding av rapporten «Kvam herads næringsutvikling». Dagleg leiar var invitert med på diskusjonar kring bruken av «reiselivsmillionen» som Kvam heradsstyre løyvde. KNR har informert alle medlemsverksemdene om den kommunale stønadsordninga for høge straumutgifter i 2023.

Øystese Næringslag og Norheimsund Næringslag – Kvam næringsråd har jamleg kontakt med næringslaga og me har samarbeida om fleire tiltak.

FORREGION Vestland skal gjennom bruk av forskning bidra til innovasjon, berekraftig verdiskaping, grøn konkurransekraft og klimaomstilling i bedrifter gjennom bruk av forskning. Dette er del av fylkeskommunen si langsiktige satsing på mobilisering til forskning.

Verkemidlar:

- Forprosjekt
- Forskar til låns
- Opphald i ein forskingsorganisasjon
- FoU-møte

KNR har ikkje hatt aktivitet knytt til FORREGION Vestland i 2023, men tek det opp att i 2024.

Framtidsfylket AS har mellom anna tilbod om trainee-program for bachelor- og masterkandidatar. Det er sendt ut informasjon om tilboda til medlemsverksemdar som truleg kunne tilsett trainee(ar), men me har ikkje lukkast å få nokon verksemdar i Kvam til å bli med på programmet.

NRK er ei viktig kjelde til kunnskap om kva som føregår i landet vårt. KNR ynskjer at NRK lager reportasjar frå Kvam som skaper merksemd og kjennskap til Kvam. KNR har freista å spele inn saker i 2023, men har ikkje lukkast med å få til reportasjar.

Invest in Bergen. KNR arbeider for at Kvam herad skal verte medlem i Invest in Bergen. Eit slikt medlemskap har ingen garantiar, en om ein lukkast med arbeidet kan det føre til at utanlandske verksemdar etablerer seg i Kvam.

Hardanger og Voss Næringshage, har hatt jamleg kontakt gjennom året, og deler mellom anna informasjon om arrangement og kurs.

Næringsalliansen Vestland, sjå eige punkt.

Vervearbeid

Styret og administrasjonen samarbeider om vervearbeidet.

Informasjonsdeling

I løpet av året er det jamleg sendt ut informasjon til medlemsverksemdene om kurstilbod, konferansar, karrieremesser, informasjon frå fylket og heradet til næringsliv m.m.

Uttalar om planar o.a. til heradet, fylke og stat frå KNR

31. august, høyringsuttale til Vestland fylkeskommune i samband med oppstart av arbeidet med reguleringsplan fv 49 Steinsdalen – Eikedalen (tunell under Kvamskogen).

19. desember, høyringsuttale i lag med Hardanger Industri til Statens vegvesen om Konseptvalutgreiing E134 arm til Bergen.

Næringsalliansen Vestland.

Næringsalliansen Vestland vart stifta i 2008. Alliansen er eit nettverk samansett av 17 næringsforeiningar i Vestland. Saman representerer dei meir enn 3000 bedrifter og 150.000 arbeidsplassar og er ein viktig aktør når det gjeld næringsutvikling i heile fylket. KNR har delteke på eitt (av to) fysiske møte og på to Teams-møte med Næringsalliansen i løpet av 2023.

Fjordtinget i regi av Lingalaks i samarbeid med Bergen Næringsråd gjekk av stabelen 23.mai i Øystese. Næringsalliansen har laga fleire nettbaserte undersøkingar i løpet av året, som KNR har sendt vidare til våre medlemmer.

Næringsalliansen Vestland har engasjert seg i fleire saker i løpet av året, to døme på dette:

- I april skreiv Næringsalliansen Vestland eit ope brev til stortingsrepresentantane frå alle vestlandsfylka. Temaet var framlegg til endringar i opplæringslova. Endringane ville særleg gå utover opplæringskontora, som har viktige oppgåver knytt til lærlingordningar og rekruttering av arbeidskraft. Eit fleirtal på Stortinget såg til at endringane ikkje vart gjennomført.

- I september vart det sendt ut ei pressemelding om innhaldet i den politiske plattformen til fleirtalspartia i Vestland fylke. Det vart her særleg uttrykt kritikk mot manglande satsing på samferdsle og vedlikehald av fylkesvegnettet.

Årets verksemd i 2022.

Jarle Tveiten Transport AS fekk si utmerking på årsmøtet til Kvam Næringsråd den 15. mars 2023. Kostnaden med gåve til mottakaren vart støtta med kr 5.000 frå Sparebanken Vest.

Synleg i lokalpressa

HF 17.mars. Presentasjon av Jarle Tveiten AS som årets verksemd i Kvam, basert på pressemelding HF 16.juni. Kronikk om framtidstrua i næringslivet – basert på spørjeundersøking, Næringsalliansen Vestland.

HF 19.desember. Kronikk saman med Norheimsund Næringslag og Øystese Næringslag om rapporten Kvam herad har fått utarbeida – «Kvam herads næringsutvikling».

Internmarknadsføring av verksemder

Det er sendt ut informasjon om to medlemsverksemder til alle medlemsverksemdene. Dette er eit ope tilbod som alle medlemsverksemder kan nytte.

Reiseliv

Visitkvam.no vart lagt ned 31.12.23. Det er lagt ned eit omfattande arbeid i å presentere Kvam på www.hardangerfjord.com/kvam, og mykje av det er finansiert av «reiselivsmillionen» som Kvam heradsstyre løyvde våren 2023. Denne løysinga har ei lang rekkje føremoner i høve visitkvam.no, og er eit løft for marknadsføringa av reiselivet i Kvam.

Norheimsund 12. februar 2024.

Tone Søgård – styreleiar /s/

Lars Kristian Bu - nestleiar /s/

Ingunn Bjørke - styremedlem /s/

Bjørn B. Pedersen – styremedlem /s/

Solveig Botnen - styremedlem /s/

Hans Jørgen Andersen – dagleg leiar /s/